



მოწვევა კონტრაქტორის შერჩევის პროცესში მონაწილეობის მიღების მიზნით

- მომსახურების საგანი - გაშენებული ნარგავების მოვლა
- მომსახურების დეტალური აღწერა - *იხ. დანართი №2*
- კომერციული წინადადებების მიღების ბოლო ვადა: 22.06.2018

1. ორგანიზატორი: RMG Gold

2. სამუშაოების შესრულების ადგილი: სოფელ მარტყოფის მიმდებარედ

3. კონტრაქტორების შერჩევის პროცესში მონაწილე კომპანიები ადასტურებენ თავიანთ თანხმობას ქვემოთ ჩამოთვლილი პირობებით თანამშრომლობაზე და გამოთქვამენ მზადყოფნას, რომ უზრუნველყოფენ სამუშაოთა შესრულებას წარმოდგენილი კომერციული წინადადებისა და დოკუმენტების მიხედვით. შესაძლებელია ამ დოკუმენტში წარმოდგენილი ინფორმაციის მეტად დეტალიზირება და დაზუსტება ორგანიზატორის მიერ.

4. პროცესში მონაწილეობის მსურველმა კომპანიამ უნდა წარმოადგინოს იურიდიული სტატუსის დასადასტურებლად საჭირო დოკუმენტაცია და კომერციული წინადადება

5. მონაწილემ უნდა წარმოადგინოს კომერციული წინადადება შემდეგი პირობების გათვალისწინებით:

- ✓ ენა : ქართული/რუსული/ინგლისური
- ✓ კომერციულ წინადადებაში წარმოდგენილი ფასები ფიქსირებული უნდა იყოს ხელშეკრულების მოქმედების განმავლობაში.
- ✓ პრეტენდენტის მიერ წარმოდგენილი კომერციული წინადადება თანხმობები დოკუმენტაციით უნდა იყოს ხელმოწერილი და ბეჭედდამსული უფლებამოსილი პირის მიერ.
- ✓ კომერციული წინადადება, რომელიც არ აკმაყოფილებს აღნიშნულ მოთხოვნებს, არ იქნება განხილული.
- ✓ კომპანია უფლებამოსილია ხელშეკრულება გააფორმოს ცალკეულ ლოტზე.

კომერციული წინადადება უნდა მოიცავდეს შემდეგი სახის ინფორმაციას:

- ✓ მომსახურების ღირებულება;
- ✓ გადახდის პირობები;
- ✓ სამუშაოების შესრულების ვადები;
- ✓ ამონაწერი საჯარო რეესტრიდან (განახლებული ვერსია);
- ✓ ინფორმაცია კომპანიის მფლობელობაში არსებული ტექნიკური ბაზის შესახებ;
- ✓ ინფორმაცია აღნიშნულ სფეროში კომპანიის გამოცდილების შესახებ;
- ✓ რეკვიზიტები (მისამართები, როგორც იურიდიული ასევე ფიზიკური, ფაქტური, ელექტრონული მისამართი, საბანკო რეკვიზიტები და სხვა.)

კომერციული წინადადებები ძალაში იქნება კონტრაქტორის შერჩევის პროცესის დასრულებამდე. აღნიშნული პროცესი დასრულებულად ჩაითვლება მას შემდეგ, რაც ხელშეკრულებები გაფორმდება მხარეებს შორის.

6. მონაწილე კომპანიის კომერციული წინადადება განხილული იქნება, როგორც საფუძველი კონტრაქტორის შერჩევის პროცესში პოტენციური პრეტენდენტის გამოვლენისათვის.
7. **ანტიკორუფციული პირობები:** პოტენციური პრეტენდენტი, ხელშეკრულების გაფორმების შემთხვევაში ვალდებულია დაემორჩილოს ანტიკორუფციულ პირობებს, რომლებიც წარმოდგენილია დანართში №1
8. **კომერციული წინადადების ჩაბარების პირობები:** ყველა კომერციული წინადადება წარმოდგენილი უნდა იყოს ორგანიზატორის მისამართზე : ქალაქი თბილისი, მ.ალექსიძის ქუჩა #1, შესახვევი #3. წინადადება წარმოდგენილი უნდა იყოს დალუქული კონვერტით (*გარდა მონაწილის იურიდიული სტატუსის დასადგენად საჭირო დოკუმენტაციისა*)
კომერციული წინადადებები შესაძლებელია ასევე წარმოდგენილ იქნეს შემდეგ ელექტრონულ მისამართებზე:

TO- LPiveli@richmetalsgroup.com
CC- ZDzagnidze@richmetalsgroup.com

საკონტაქტო ინფორმაცია:

მატერიალურ-ტექნიკური უზრუნველყოფის დეპარტამენტი:

დირექტორის მოადგილე:

ზურა ძაგნიძე

T +995 599 128 686

მდივანი:

ლილე პირველი

T +995 579 552 051.

9. **ხარჯები.** მონაწილე იღებს პასუხისმგებლობას ყველა ხარჯზე, რომელიც დაკავშირებულია წინადადებებისა და შესაბამისი დოკუმენტაციის მომზადებასა და წარდგენასთან და ორგანიზატორი არცერთ შემთხვევაში არ არის პასუხისმგებელი ამ ხარჯებზე, მიუხედავად შერჩევის შედეგებისა.

10. საუკეთესო წინადადების შერჩევის კრიტერიუმები:

მონაწილეთა წინადადებების შერჩევა ხდება შემდეგი კრიტერიუმების გათვალისწინებით:

- ფასი;
- გადახდის პირობები;
- აღნიშნულ სფეროში კომპანიის გამოცდილება და მისი რეპუტაცია ბაზარზე;
- **Rich Metals Group**-ის შიდა ნორმატიულ დოკუმენტებთან და პოლიტიკასთან შესაბამისობა;
- მოთხოვნილი ხარისხით უზრუნველყოფა, პარტნიორობის საფუძველზე გრძელვადიანი თანამშრომლობის შესაძლებლობა;

11. კონტრაქტორის შერჩევის პროცესის ორგანიზატორის უფლებები და მოვალეობები: ორგანიზატორი უფლებამოსილია დაადგინოს დამატებითი მოთხოვნები მონაწილეთა მიმართ. იმ შემთხვევაში, თუკი კომერციულ წინადადებაში წარმოდგენილი იქნება არასათანადო ან არასანდო ინფორმაცია, ორგანიზატორი იტოვებს უფლებას, გამორიცხოს ისინი შერჩევის პროცესიდან ნებისმიერ ეტაპზე. კომერციული წინადადებების განხილვის შემდეგ, ორგანიზატორი ოფიციალური წერილით აცნობებს პოტენციურ პრეტენდენტებს, ხელშეკრულების გაფორმების მიზნით მომავალ მოლაპარაკებებზე

დაინტერესების შესახებ. ორგანიზატორი იტოვებს უფლებას, არ გააკეთოს კომენტარი შუალედური თუ საბოლოო გადაწყვეტილების შესახებ. კომერციული წინადადებების ჩაბარების ბოლო ვადამდე, არაუგვიანეს 3 დღისა, ორგანიზატორი უფლებამოსილია შეიტანოს გარკვეული ცვლილებები კონტრაქტორის შერჩევის პროცედურაში და წერილობით აცნობოს ამ ცვლილებების შესახებ ყველა მონაწილეს.

12. შედეგების გადახედვა: თუკი, თანამშრომლობის პერიოდში, რაიმე მიზეზის გამო, კონტრაქტორი ვერ შეძლებს განხორციელოს მომსახურება, რომელსაც ითვალისწინებდა მისი კომერციული წინადადება, მაშინ, ორგანიზატორს ექნება უფლება, ცალმხრივად შეწყვიტოს ან შეაჩეროს ხელშეკრულების მოქმედება და შესაბამისი მომსახურების განხორციელების უფლება გადასცეს სხვა მონაწილე კომპანიას, კონტრაქტორის შერჩევის დამატებითი პროცედურების ჩატარების გარეშე.

13. დანართების ჩამონათვალი:

დანართი № 1 - ანტიკორუფციული პირობები

დანართი № 2 - სამუშაოთა დეტალური აღწერილობა



დანართი № 1

ანტიკორუფციული პირობები

მხარეები თანხმდებიან, რომ წინამდებარე ხელშეკრულებით გათვალისწინებული მოვალეობების შესრულების დროს, მხარეები, მათთან აფილირებული პირები, თანამშრომლები ან/და მათი შუამავლები პირდაპირ ან ირიბად არ მიიღებენ, არ გადაიხდიან, არ შესთავაზებენ გადახდას და არ მისცემენ რაიმე სახის ფულადი სახსრებისა ან ფასეულობების გადახდის უფლებას ნებისმიერ პირებზე, აღნიშნული პირების მიერ გადაწყვეტილების მიღებაზე ან მოქმედებაზე გავლენის მოსახდენად ნებისმიერი სახის არაკანონიერი უპირატესობის მოსაპოვებლად ან/და არაკანონიერი მიზნის მისაღწევად.

წინამდებარე ხელშეკრულებით გათვალისწინებული მოვალეობების შესრულების დროს, მხარეები, მათთან აფილირებული პირები, თანამშრომლები ან/და შუამავლები არ განახორციელებენ მოქმედებას, რომელიც მოქმედი კანონმდებლობით კვალიფიცირებული იქნება, როგორც ქრთამის აღება/მიცემა, კომერციული მოსყიდვა, ასევე სხვა მოქმედება, რომელიც არღვევს კანონმდებლობას და საერთაშორისო სამართლებრივ აქტებს, რომლებიც მიმართულია კანონსაწინააღმდეგო გზით შემოსავლების გათეთრების წინააღმდეგ.

წინამდებარე ხელშეკრულების ყოველი მხარე უარს აცხადებს მეორე მხარის თანამშრომლების რაიმე სახით სტიმულირებაზე, მათ შორის მათთვის ფულადი სახსრების, საჩუქრების გადაცემის, მათთვის უსასყიდლო მომსახურების გაწევის ან რაიმე სხვა გზით, რომელიც აღნიშნულ პუნქტში არაა მითითებული და რომელიც მეორე მხარის თანამშრომელს აყენებს გარკვეულ დამოკიდებულ პოზიციაში და მიმართულია აღნიშნული თანამშრომლის მიერ რაიმე სახის მოქმედების განხორციელებისათვის მისი მასტიმულირებელი მხარის სასარგებლოდ.

„დამკვეთი“ იტოვებს უფლებას, რომ მეორე მხარის მიერ ჩადენილი არაკანონიერი მოქმედებების ან/და წინამდებარე ხელშეკრულების ანტიკორუფციული პირობების დარღვევის შემთხვევაში მოახდინოს: კონტრაქტორთან ურთიერთობაზე გარკვეული სახის შეზღუდვების დაწესება ან/და წინამდებარე კონტრაქტის შეწყვეტა.

მხარეების აცხადებენ, რომ განახორციელებენ ყველა საჭირო მოქმედებას წინამდებარე ხელშეკრულების ანტიკორუფციული პირობების დარღვევების შესაბამისად გამოსაძიებლად და გაატარებენ ეფექტურ ღონისძიებებს გართულებებისა და კონფლიქტური სიტუაციების თავიდან ასაცილებლად.

მხარეები გარანტიას იძლევიან, რომ დაიცავენ სრულ კონფიდენციალურობას წინამდებარე ხელშეკრულებით გათვალისწინებული ანტიკორუფციული პირობების შესრულების დროს და ასევე მიმართავენ ყველა ღონეს, რათა გამოირიცხოს ნეგატიური შედეგები დარღვევის შესახებ შეტყობინების განმახორციელებელი მხარის მიმართ, ასევე აღნიშნული მხარის თანამშრომლების მიმართ, რომლებმაც შეატობინეს დარღვევის ფაქტის შესახებ.



დანართი № 2

ტექნიკური დავალება

- **სამუშაოს საგანი:** გაშენებული ნარგავების მოვლა
- **მდებარეობა:** სოფ. მარტყოფის მიმდებარედ
- **ფართობი:** 11.6 ჰა
- **ნერგების რაოდენობა:** 2018 წელი - 16000 ცალი; 2019-2022 წელი - 30000 ცალი

1. მოვლა

გაშენებული ნარგავების მოვლა გათვალისწინებულია გაშენებიდან 5 წლის განმავლობაში. მოვლის ღონისძიებებიდან განსაზღვრულია ნარგავების ირგვლივ ჯამების გამარგვლა-გაფხვიერება, ფართობის გაწმენდის შემდეგ აღმოცენებული მაცვლის ბუჩქების შეთხელება, სარეველებისაგან გაწმენდა, ფართობიდან გატანა და უსაფრთხო ადგილას დაწვა.

წლების მიხედვით მოვლა შემდეგი ჯერადობითაა გათვალისწინებული:

- I წელი - 5-ჯერ
- II წელი - 4-ჯერ
- III წელი - 3-ჯერ
- IV წელი - 2-ჯერ
- V წელი - 1-ჯერადად.

მოვლის ღონისძიება (გამარგვლა-გაფხვიერება) შედარებით ინტენსიურად ტარდება სავეგეტაციო პერიოდის პირველ ნახევარში.

ავვისტოს ბოლოს, სექტემბრის დასაწყისში - მოვლის ღონისძიებები წყდება.

2. მორწყვა

ქვემო ქართლის რეგიონი მიეკუთვნება მშრალ ზონას, შესაბამისად საქართველოში „ტყის კულტურების გაშენების წესი“-ს მიხედვით, კულტურების კარგი ზრდა-განვითარების უზრუნველსაყოფად, მორწყვა ნორმით 8-10 ლიტრი წყალი 1 ძირზე იწარმოება 5 წლის განმავლობაში, შემდეგი ჯერადობით:

- I წელი - 5-ჯერ
- II წელი - 4-ჯერ
- III წელი - 3-ჯერ
- IV წელი - 2-ჯერ
- V წელი - 1-ჯერადად.